

**"Барлаумен немесе өндірумен байланысты емес жерасты құрылыстарын салуға және (немесе) пайдалануға жер қойнауын пайдалану құқығын беру, сондай-ақ барлаумен немесе өндірумен байланысты емес жерасты құрылыстарын салуды және (немесе) пайдалануды жүзеге асыру қағидасын бекіту туралы" Қазақстан Республикасы Үкіметінің 2011 жылғы 26 мамырдағы № 581 қаулысына өзгерістер енгізу туралы**

### *Күшін жойған*

Қазақстан Республикасы Үкіметінің 2013 жылғы 17 қыркүйектегі № 981 қаулысы . Күші жойылды - Қазақстан Республикасы Үкіметінің 2015 жылғы 16 маусымдағы № 435 қаулысымен.

**Ескерту. Күші жойылды - ҚР Үкіметінің 16.06.2015 № 435 (алғашқы ресми жарияланған күнінен бастап қолданысқа енгізіледі) қаулысымен.**

Қазақстан Республикасының Үкіметі **ҚАУЛЫ ЕТЕДІ:**

1. "Барлаумен немесе өндірумен байланысты емес жерасты құрылыстарын салуға және (немесе) пайдалануға жер қойнауын пайдалану құқығын беру, сондай-ақ барлаумен немесе өндірумен байланысты емес жерасты құрылыстарын салуды және (немесе) пайдалануды жүзеге асыру қағидасын бекіту туралы" Қазақстан Республикасы Үкіметінің 2011 жылғы 26 мамырдағы № 581 қаулысына (Қазақстан Республикасының ПҰАЖ-ы, 2011ж., № 40, 503-құжат) мынадай өзгерістер енгізілсін:

көрсетілген қаулымен бекітілген Барлаумен немесе өндірумен байланысты емес жерасты құрылыстарын салуға және (немесе) пайдалануға жер қойнауын пайдалану құқығын беру, сондай-ақ барлаумен немесе өндірумен байланысты емес жерасты құрылыстарын салуды және (немесе) пайдалануды жүзеге асыру қағидасында:

2, 4, 6, 9, 10, 11, 12, 13, 19, 20, 21-тармақтар мынадай редакцияда жазылсын:

"2. Барлаумен немесе өндірумен байланысты емес жерасты құрылыстарын салуға және (немесе) пайдалануға жер қойнауын пайдалану құқығы облыстың, республикалық маңызы бар қаланың, астананың жергілікті атқарушы органымен келісімшарт жасасу жолымен беріледі.";

"4. Барлаумен немесе өндірумен байланысты емес жерасты құрылыстарын салуға және (немесе) пайдалануға жер қойнауын пайдалану құқығын беру жөніндегі тікелей келіссөздерді облыстың, республикалық маңызы бар қаланың, астананың жергілікті атқарушы органының жұмыс тобы жүргізеді.";

"6. Келісімшарт жасасуға үміткер тұлға тікелей келіссөздерге қатысу үшін осы қағидаға 1-қосымшаға сәйкес нысан бойынша өтінімді облыстың, республикалық маңызы бар қаланың, астананың жергілікті атқарушы органына жібереді.";

"9. Облыстың, республикалық маңызы бар қаланың, астананың жергілікті атқарушы органы өтінімді қабылдайды, арнайы журналда тіркейді және өтініш берушіні тікелей келіссөздер жүргізу туралы немесе тікелей келіссөздер жүргізуден бас тарту туралы шешімнің қабылданғаны туралы он жұмыс күні ішінде хабардар етеді.

10. Тікелей келіссөздер Заңның 58-бабының талаптарына сәйкес ресімделген өтінім келіп түскен күнінен бастап екі ай ішінде жүргізіледі.

Тікелей келіссөздер жүргізу мерзімі облыстың, республикалық маңызы бар қаланың, астананың жергілікті атқарушы органының шешімімен ұзартылуы мүмкін.

11. Тікелей келіссөздер хаттамасына қол қойылған күн тікелей келіссөздердің қорытындысы бойынша шешім қабылданған күн болып есептеледі.

Облыстың, республикалық маңызы бар қаланың, астананың жергілікті атқарушы органы өтініш берушіні тікелей келіссөздердің қорытындылары бойынша қабылданған шешім туралы тікелей келіссөздердің хаттамасына қол қойған күнінен бастап он жұмыс күнінен аспайтын мерзімде хабардар етуге міндетті.

12. Тікелей келіссөздер негізінде жер қойнауын пайдалану құқығын беру туралы не беруден бас тарту туралы шешім өтініш берушінің келісімшарт бойынша міндеттемелерді орындау мүмкіндігі туралы куәландыратын деректердің негізінде қабылданады.

Облыстың, республикалық маңызы бар қаланың, астананың жергілікті атқарушы органының тікелей келіссөздер негізінде жер қойнауын пайдалану құқығын беруден бас тарту туралы шешіміне сот тәртібімен шағым жасалуы мүмкін.

13. Тікелей келіссөздердің қорытындылары бойынша шешім облыстың, республикалық маңызы бар қаланың, астананың жергілікті атқарушы органының тікелей келіссөздер жүргізу жөніндегі жұмыс тобының хаттамасымен ресімделеді.

Хаттама тікелей келіссөздер жүргізілген күнінен бастап бес жұмыс күнінен аспайтын мерзімде жасалады және оған қол қойылады.";

"19. Өтініш беруші тікелей келіссөздер барысында ұсынған және облыстың, республикалық маңызы бар қаланың, астананың жергілікті атқарушы органы

кабылдаған жер қойнауын пайдалану жөніндегі операцияларды жүргізу шарттары міндетті түрде тікелей келіссөздер хаттамасына, ал кейіннен келісімшартқа қамтылады.

20. Келісімшартты жасасу үшін барлаумен немесе өндірумен байланысты емес жерасты құрылыстарын салуға және (немесе) пайдалануға жер қойнауын пайдалану құқығын беру туралы облыстың, республикалық маңызы бар қаланың, астананың жергілікті атқарушы органының тікелей келіссөздер хаттамасы негіз болып табылады. Тікелей келіссөздер хаттамасына қол қойылған күнінен бастап үш ай ішінде келісімшарт жасалады.

21. Облыстың, республикалық маңызы бар қаланың, астананың жергілікті атқарушы органы осы қағидаға 2-қосымшаға сәйкес нысан бойынша келісімшарт жасалған сәттен бастап бес жұмыс күні ішінде барлаумен немесе өндірумен байланысты емес жерасты құрылыстарын салуға және (немесе) пайдалануға арналған келісімшартты мемлекеттік тіркеу актісін береді.";

көрсетілген қағидаға 1 және 2-қосымшалар осы қаулыға 1 және 2-қосымшаларға сәйкес жаңа редакцияда жазылсын.

2. Осы қаулы алғашқы ресми жарияланғанынан кейін күнтізбелік он күн өткен соң қолданысқа енгізіледі.

Қазақстан Республикасының

Премьер-Министрі

С. Ахметов

Қазақстан Республикасы

Үкіметінің

2013 жылғы 17 қыркүйектегі

№ 981 қаулысына

1-қосымша

Барлаумен немесе

өндірумен байланысты емес жерасты

құрылыстарын салуға және (немесе)

пайдалануға жер қойнауын пайдалану

құқығын беру, сондай-ақ барлаумен

немесе өндірумен байланысты емес

жерасты құрылыстарын салуды

және (немесе) пайдалануды жүзеге

асыру қағидасына

1-қосымша

Облыстың, республикалық

маңызы бар қаланың, астананың

жергілікті атқарушы органы

\_\_\_\_\_ облысында орналасқан \_\_\_\_\_

"Жер қойнауын барлаумен және (немесе) пайдалы қазбаларды өндірумен байланысты емес жерасты құрылыстарын салу және (немесе) пайдалану" үшін тікелей келіссөздерді жүргізу жолымен жер қойнауын пайдалану құқығын алуға

ӨТІНІМ

1. Өтініш беруші туралы деректер:

Заңды тұлғаның атауы: \_\_\_\_\_

Орналасқан жері \_\_\_\_\_

Меншік нысаны \_\_\_\_\_

Мемлекеттік тиесілігі \_\_\_\_\_

Тіркеу құжатының нөмірі: заңды тұлғаны мемлекеттік тіркеу / қайта тіркеу туралы куәлік\* немесе анықтама \_\_\_\_\_

Ескертпе:\* "Қазақстан Республикасының кейбір заңнамалық актілеріне заңды тұлғаларды мемлекеттік тіркеу және филиалдар мен өкілдіктерді есептік тіркеу мәселелері бойынша өзгерістер мен толықтырулар енгізу туралы" 2012 жылғы 24 желтоқсандағы Қазақстан Республикасының Заңы қолданысқа енгізілгенге дейін берілген заңды тұлғаны (филиалды, өкілдікті) мемлекеттік (есептік) тіркеу (қайта тіркеу) туралы куәлік заңды тұлғаның қызметі тоқтатылғанға дейін жарамды болып табылады.

Бизнес сәйкестендіру нөмірі (БСК) \_\_\_\_\_

Басшылар мен қатысушылар (немесе олардың жарғылық капиталдағы үлесінің көлемін көрсете отырып (жарғылық капиталдың жалпы көлемінен) акционерлер) туралы мәліметтер \_\_\_\_\_

Бағалы қағаздардың ұйымдасқан нарығында осындай қағаздардың жалпы санын көрсете отырып, заңды тұлғаның бағалы қағаздарының айналымы туралы мәліметтер \_\_\_\_\_

Өтініш берушінің еншілес ұйымдары туралы мәліметтер \_\_\_\_\_

Деректемелер: \_\_\_\_\_ қ. \_\_\_\_\_ е/шоты БСК \_\_\_\_\_

Мекенжайы, телефоны, факс, e-mail \_\_\_\_\_

Құрылтайшылар: \_\_\_\_\_

Құрылған күні: \_\_\_\_\_

Өтініш берушінің тегі мен аты (жеке тұлғалар үшін): \_\_\_\_\_

Заңды мекенжайы \_\_\_\_\_

Азаматтығы \_\_\_\_\_

Жеке куәлік № \_\_\_\_\_

Жеке сәйкестендіру нөмірі (ЖСН) \_\_\_\_\_

Өтініш берушіні кәсіпкерлік қызмет субъектісі ретінде тіркеу \_\_\_\_\_

---

1) Өтініш берушінің мүддесін білдіретін басшылардың немесе өкілдердің өкілеттіктері туралы мәліметтерді қоса алғанда, мұндай тұлғалар туралы деректер \_\_\_\_\_

2) Қызметтің негізгі түрі: \_\_\_\_\_

3) Жұмыс тәжірибесі: \_\_\_\_\_

4) Кәсіпорынның қаржылық жай-күйі, қаржыландыру көзі: \_\_\_\_\_

2. Қазақстанның жер қойнауын пайдаланумен байланысты жұмыстардың мақсаттық белгіленімі:

1) Объектінің атауы: \_\_\_\_\_

Қысқаша геологиялық сипаттамасы: \_\_\_\_\_ орналасқан \_\_\_\_\_

2) Объектілердің жалпы сипаттамасы: \_\_\_\_\_

\_\_\_\_\_ (орналасқан жері, пайдалану кезеңі, ұстауға арналған шығындар, қоршаған орта мониторингінің қадағалау желісінің болуы мен орналасуы).

3) Объектілердің тау-кен-геологиялық және гидрогеологиялық сипаттамасы:

\_\_\_\_\_ (оқшаулау сипаттамасы, тау-кен жыныстарының типі, коллектор қаттарының жерасты тереңдігі және тиімді қуаты, оның алаңы, кеуектілік коэффициенті, төселетін және жабылатын су тірегінің сипаттамасы, жерасты суларының табиғи ағысының жылдамдығы, су ағызуды сақтау және басқа, көму (жиып қою) мен ағызудың сапалық және сандық көрсеткіштері, тау-кен техникалық, арнаулы инженерлік-геологиялық, гидрогеологиялық және экологиялық шарттары).

4) Зиянды заттар, радиоактивті қалдықтар және ағынды сулар түзілетін ұйымдар туралы мәліметтер: \_\_\_\_\_

\_\_\_\_\_ (орналасқан жері және ведомстволық тиесілігі, зиянды заттардың, сарқынды сулардың сипаттамасы: өнімнің атауы, өнім түзілетін техникалық өндіріс немесе процесс, физикалық сипаттамасы, толық химиялық құрамы, уытты компоненттердің болуы, өрт-жарылыс қауіптілігі, ерігіштігі, сақтау кезінде басқа заттармен үйлесімділігі, негізгі ластаушы радионуклидтер, олардың белсенділігі және басқа сипаттамалары, тасымалдау жүйесінің сипаттамасы).

3. Сұратылатын аумақтың кеңістік шекарасы, оның алаңы:

(жер қойнауын пайдалану объектісінің әкімшілік-аумақтық байланыстылығы, алаң гектармен)

4. Жер қойнауын пайдалану құқығы сұралатын мерзім:

\_\_\_\_\_ ж. басталған жұмыстардың ұзақтығы \_\_\_\_\_ жыл ( \_\_\_\_\_ жж).

Өтініш беруші облыстың, республикалық маңызы бар қаланың, астананың жергілікті атқарушы органына барынша жәрдемдесуге және өтінімге сараптаманы ұйымдастыру мен жүргізу кезінде қажетті кез келген ақпаратты ұсынуға міндетті.

Өтініш беруші өтінімдегі және қосымшадағы барлық ақпарат нақты және шынайы екендігіне кепілдік береді.

Өтініш берушінің қолы  
(заңды тұлға, жеке тұлға) \_\_\_\_\_  
Мөр орны

Қазақстан Республикасы  
Үкіметінің  
2013 жылғы 17 қыркүйектегі  
№ 981 қаулысына  
2-қосымша

Барлаумен немесе  
өндірумен байланысты емес жерасты  
құрылыстарын салуға және (немесе)  
пайдалануға жер қойнауын пайдалану  
құқығын беру, сондай-ақ барлаумен  
немесе өндірумен байланысты емес  
жерасты құрылыстарын салуды  
және (немесе) пайдалануды жүзеге  
асыру қағидасына  
2-қосымша

\_\_\_\_\_ (облыстың, республикалық маңызы бар қаланың, астананың жергілікті атқарушы органының атауы)



**Қазақстан Республикасында барлаумен немесе өндірумен байланысты емес жерасты құрылыстарын салуға және/немесе пайдалануға жер қойнауын пайдалану құқығын беруге арналған келісімшартты мемлекеттік тіркеу АКТІСІ**

\_\_\_\_\_ қ. 20\_\_ ж. " \_\_\_\_\_ " \_\_\_\_\_

Осымен облыстың, республикалық маңызы бар қаланың, астананың жергілікті атқарушы органының 20\_\_ жылғы " \_\_\_\_\_ " \_\_\_\_\_ тікелей келіссөздер хаттамасының негізінде

\_\_\_\_\_ (облыстың, республикалық маңызы бар қаланың, астананың жергілікті атқарушы органының атауы) және

\_\_\_\_\_ арасында жасалған  
(Мердігер)

\_\_\_\_\_ келісімшарт тіркеледі

(тікелей келіссөздер объектісінің атауы)

Тіркеу № \_\_\_\_\_

Облыстың, республикалық маңызы

бар қаланың, астананың әкімі

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК